



國家圖書館, NATIONAL CENTRAL LIBRARY, TAIWAN, R.O.C.






	
登記號	004592
類號	
種別	
全書	一册


國家圖書館, NATIONAL CENTRAL LIBRARY, TAIWAN, R.O.C.





國家圖書館, NATIONAL CENTRAL LIBRARY, TAIWAN, R.O.C.

344639



李頎集卷上

五言古詩

題僧房雙桐



青桐雙拂日
傍帶凌霄花
綠葉傳僧磬
清音潤井華
誰能事音律
焦尾蔡邕家

李兵曹壁畫山水各賦得桂水帆

片帆浮桂水
落日天涯時
飛鴈看共度
閑雲相與遲
長波無曉夜
泛泛欲何之

晚歸東園

國立中央圖書館, NATIONAL CENTRAL LIBRARY, TAIWAN, R.O.C.



出郭喜見山東行亦未遠夕陽帶歸鷺靄靄
秋稼晚樵者乘霽歌野夫及星飯請謝朱輪
客垂竿不復返

裴尹東溪別業


公才廊廟器官亞河南守別墅臨都門驚滯
激前後舊交與群從十日一携手幅中望寒
山長嘯對高柳清歡信可尚散吏亦何有岸
雪清城陰水光遠林首閒觀野人筏或飲川
上酒幽雲淡徘徊白鷺飛左右庭竹垂卧內

村煙隔南阜始知物外情簪紱同芻狗

送綦母三謁房給事

夫子大名下家無鐘石儲惜哉湖海上曾校
蓬萊書外物非本意此生空淡如所思但乘
興遠適維單車高道時坎壈故交願吹噓徒
言青瑣闥不愛承明廬百里人戶滿片言諍
訟踈手持蓮花經目送飛鳥餘晚景南路別
炎雲中伏初此行儻不遂歸食蘆洲魚

題蘆道士房



秋砧響落木共坐茅君家惟見兩童子林前
汲井華空壇靜白日神鼎飛丹砂麈尾拂霜
草金鈴搖霽霞上章人世隔看奕桐陰斜稽
首問仙要黃精堪餌花

塞下曲

黃雲鴈門郡日暮風沙裏千騎黑貂裘皆稱
羽林子金笳吹朔雪鐵馬嘶雲水帳下飲蒲
萄平生寸心是

題神力師院

師神傑貌五嶽森禪房堅持日月珠豁見
滄江長隨病拔諸苦致身如法王階庭藥草
徧飯食天花香樹色向高閣畫陰橫半墻每
聞第一義心淨琉璃光

九月九日劉十東堂集

風俗尚九日此情安可忘菊花辟惡酒湯餅
茱萸香雲入授衣假風吹聞宇涼主人盡歡
意林景畫微茫清切晚砧動東西歸鳥行淹
留悵為別日醉秋雲光



桑
愛君少岐嶷高視白雲鄉九歲能屬文謂帝
遊明光奉詔赤墀下拜爲童子郎爾來屢遷
易三度尉洛陽洛陽十二門官寺鬱相望青
槐羅四面淥水貫中央聽訟破秋毫應物利
干將辭滿如脫屣立言無否臧歲暮風雪暗
秦中川路長行人飲臘酒立馬帶晨霜生事
豈須問故園寒草荒從今署右職莫笑在農

送劉四

送裴騰

養德爲衆許森然此丈夫放情白雲外爽氣
連虬鬚衡鏡合知子公心誰謂無還令不得
意單馬遂長驅桑野蠶忙時憐君久跼蹐新
晴荷卷葉孟夏雉將雊令弟爲縣尹高城汾
水隅相將簿領閒倚望相峯孤香露團百草
紫梨分萬株歸來授衣假莫使故園蕪

龍門西峰曉望劉十八不至

春臺臨永路跂足望行子片片雲觸峰離離



鳥渡水叢林遠山上霽景雜花薰不見攜手
人下山採綠芷

送司農崔丞


黃鸝鳴官寺香草色未已同時皆省郎而我
獨留此維監太倉粟常對府小史清陰羅廣
庭政事如流水奉使往長安今承朝野歡宰
臣應記識明主必遷官塞外貌將武池中鴛
與鸞詞人洞簫賦公子鷓鴣冠邑里春方晚
昆明花欲闌行行取高位當使路傍看

送崔侍御赴京

綠槐蔭長路駿馬垂青絲柱史謁承明翩翩
將有期千官大朝日奏事臨赤墀肅肅儀仗
裏風生鷹隼姿一從登甲科三拜皆憲司按
俗又如此爲郎何太遲送君暮春月花落城
南階惜別醉芳草前山勞夢思

春送從叔遊襄陽

言別恨非一棄置我宗英向用五經笥今爲
千里行裘糧顧庭草羸馬詰朝鳴斗酒對寒



食雜花宜晚晴春衣采洲路夜飲南陽城客
夢峴山曉漁歌江水清楚俗少相知遠遊難
稱情同人應館穀刺史在郊迎只合侍丹宸
翻令辭上京時方春欲暮歎息向流鶯

宋少府東溪泛舟

舟後此為語不可少

登岸還入舟水禽驚笑語晚葉低衆色濕雲
帶殘暑落日乘醉歸溪流復幾許

粲公院各賦一物得初荷

微風和衆草大葉長圓陰晴露珠共合夕陽


花映深從來不着水清淨本因心

光上座廊下衆山五韻

名嶽在廡下吾師居一牀每聞楞伽經只對
清翠光百谷聚雲色莓苔侵屋梁氣盤古壁
轉勢引幽壑長願遊薜蘿下日見金鑪香

贈別高三十五

五十無產業心輕百萬資屠酤亦與群不問
君是誰飲酒或垂釣狂歌兼詠詩焉知漢高
士莫識越鴟夷寄跡棲霞山蓬頭睢水湄忽



然辟命下衆謂趨丹墀沐浴著賜衣西來馬
行遲能令相府重且有函關期僂俛從寸祿
舊游梁宋時皤皤色中叟相候鬢如絲官舍
柳林靜河梁杏葉滋摘芳雲景晏把手秋蟬
悲小縣情未愜折腰君莫辭吾觀主人意不
久召京師


崔五宅送劉跂入京

行人惜寸景繫馬暫留歡昨日辭小沛何時
到長安鄉中飲酒禮客裏行路難清洛雲鴻

度故關風日寒維將道可樂不念身無官生
事東山遠田園芳歲闌東歸余謝病西去子
加餐宗伯非徒爾明時正可躬耕守貧賤
失計在林端宿昔奉顏色慙無雙玉盤

與諸公遊濟瀆泛舟

濟水出王屋其源來不窮狀泉數眼沸平地
流清通皇帝崇祀典詔書視三公分官禱靈
廟奠璧沉河宮神應每如蒼松篁氣葱蘢蒼
螭送飛雨赤鯉噴回風灑酒布瑤席吹簫下




玉童玄冥掌陰事祝史告年豐百谷趨潭底
三光懸鏡中淺深露沙石蘋藻生虛空晚景
臨泛美亭皋輕靄紅晴山傍舟楫白鷺驚絲
桐我本家潁北出門見維嵩焉知松峯外又
有天壇東左手正接羅浩歌眄青穹夷猶傲
清吏偃仰狎漁翁對此川上關非君誰與同
霜凝遠村渚月淨蒹葭叢茲境信難遇爲歡
殊未終淹留悵言別煙嶼夕微蒙

送馬錄事赴永陽

子爲郡從事主印清淮邊談笑一州裏從容
群吏先手持三尺令遣決如流泉太守旣相
許諸公誰不然孤城連海樹萬室帶山煙春
日溪湖淨芳洲葭菼連炊粳蟹螯熟下筋鱸
魚鮮野鶴宿簷際楚雲飛面前提歌送離曲
且駐木蘭船贈爾八行字當聞佳政傳

臨別送張諲入蜀

出門便爲客惘然悲徒御四方維一身茫茫
欲何去經山復歷水百恨將千慮劒閣望梁



州是君斷腸處孤雲俛首心落日感君深夢
裏蒹葭渚天邊橘柚林蜀江流不測蜀路險
難尋木有相思號猿多愁苦音莫向愚山隱
愚山地非近故鄉可歸來眼見芳菲盡

題合歡

開花復卷葉艷眼又驚心蝶遶西枝露風披
東幹陰黃衫漂細藥時拂女郎砧

東京寄萬楚

濩落久無用隱身甘采薇仍聞薄宦者還事

田家衣穎水日夜流故人相見稀春山不可
望黃鳥東南飛濯足豈長往一罇聊可依了
然潭上月適我甯中機在昔同門友如今出
處非優游白虎殿偃息青瑣闈且有薦君表
當看携手歸寄書不代面蘭茝空芳菲

登首陽山謁夷齊廟

古人已不見喬泰竟誰過寂寞首陽山白雲
空復多蒼苔歸地骨皓首採薇歌畢命無怨
色成仁其若何我來久遺廟時候微清和落



日弔山鬼回風吹女蘿石門正西豁引領望
黃河千里一飛鳥孤光東逝波驅車層城路
惆悵此巖阿

題綦母校書田居


常稱掛冠吏昨日歸滄洲行客暮帆遠主人
庭樹秋豈伊問天命但欲為山遊萬物我何
有白雲空自幽蕭條江海上日夕見丹丘生
事本漁釣賞心隨去留惜哉曠微月欲濟無
輕舟倏忽令人老相思河水流

漁父歌

白首何老人蓑笠蔽其身避世長不仕釣魚
清江濱浦沙明濯足山月靜垂綸寓宿湍與
潁行歌秋復春持橈湘岸竹藁火蘆洲薪淥
水飯香稻青荷苞紫鱗於中還自樂所欲全
吾真而笑獨醒者臨流多苦辛

寄焦鍊師

得道凡百歲燒丹唯一身悠悠孤峰頂日見
三花春白鶴翠微裏黃精幽澗濱始知世上



客不及山中入仙境若在夢朝雲如可親何
由覩顏色揮手謝風塵


謁張果先生

先生谷神者甲子焉能計自說軒轅師于今
幾千歲寓遊城郭裏浪迹希夷際應物雲無
心逢時丹不繫餐霞斷火粒野服兼荷製白
雪淨飢膚青春養身世韜精殊豹隱鰥骨同
蟬蛻忽去不知誰偶來寧有契二儀齊壽考
六合同休憩彭聃猶嬰孩松期且微細嘗聞

穆天子更憶漢皇帝親屈萬乘尊將窮四海
齋車徒徧草木錦帛招談說八駿空往還三
山轉虧蔽吾君感至德玄老欣來詣受籙金
殿開清齋玉堂閉笙歌迎拜首羽帳崇嚴衛
禁柳垂香爐宮花拂仙袂祈年寶祚廣致福
蒼生惠何必待龍髯鼎成方取濟

送王昌齡

漕水東去遠送君多暮情瀆留野寺出向背
孤山明前望數千里中無蒲稗生夕陽滿丹



海行
檝但愛微波清舉酒林月上解衣沙鳥鳴夜
來蓮花界夢裏金陵城歎息此離別悠悠江

古塞下曲


行人朝走馬直指薊城旁薊城通漢北萬里
別吾鄉海上千烽火沙中百戰場軍書發上
郡春色渡河陽裏裏漢宮柳青青胡地桑琵琶
出塞曲橫笛斷君腸

望鳴皋山白雲寄洛陽盧主簿

飲馬伊水中白雲鳴皋上氛氲山絕頂行子
時一望照日龍虎姿攢空冰雪狀巖崑殊未
已峻嶒忽相向皎皎橫綠林霏霏淡清嶂遠
映村更失孤高鶴來傍勝氣欣有逢仙遊且
難訪故人吏京劇每事多閑放室畫峨眉峰
心格洞庭浪惜哉清興裏不見子所向

寄萬齊融

名高不擇仕委世隨虛舟小邑常款屈故鄉
行可遊青楓半村戶香稻盈田疇為政日清



淨何人同海鷗搖巾北林夕把菊東山秋對
酒池雲滿向家湖水流岸陰止鳴鵲山色映
替虬靡靡俗中理蕭蕭川上幽昔年至吳郡
常隱臨江樓我有一書札因之芳杜洲

番別王盧二拾遺

此別不可道此心當報誰春風灞水上飲馬
桃花時設作好文士只令遊宦遲留書下朝
客我有故山期

無盡上人東林禪居

草堂每多暇時謂山僧門所對但群木終朝
無一言我心愛流水此池臨清源含吐山上
日蔽虧松外村孤峯隔身世百衲老寒暄禪
戶積朝雪花龕來暮猿顧余守耕稼十載隱
田園蘿篠慰春汲巖潭恣討論洩雲豈知限
至道莫探元且願啓關鎖於焉微尚存

不調歸東川別業

寸祿言可取託身將見遺慙無匹夫志悔與
名山辭絳冕謝知已林園多後時葛中方濯



足蔬食但垂帷十室對河岬漁樵祇在茲青
郊香杜若白水映茅茨晝景徹雲樹夕陰澄
古達渚花獨開晚田鶴靜飛遲且復樂生事
前賢爲我歸闌歌聊鼓棹永日望佳期


贈張旭

張公性嗜酒豁達無所營皓首窮草隸時稱
太湖精露頂據胡牀長叫三五聲興來灑素
壁揮筆如流星下舍風蕭條寒草滿戶庭問
家何所有生事如浮萍左手持蟹螯右手執

丹經瞪目視霄漢不知醉與醒諸賓且方坐
旭日臨東城荷葉累江魚白甌貯香粳微祿
心不屑放神於八紘時人不識者即是安期
生

贈別穆元林

貳職久辭滿歲名三十年丹墀策頻獻白首
官不遷明主日徵士吏曹何忽賢空懷濟世
業欲棹滄浪船舉酒洛門外送君春海邊彼
鄉有令弟小邑試烹鮮轉浦雲壑媚涉江花



鳥連綠芳暗楚水白鳥飛吳煙贈贖亦奚貴
流亂期復旋金閨會通籍生事豈徒然

李頎集卷上

李頎集卷中

七言古詩

送劉十

三十不官亦不娶時人馬識道高下房中唯
有老氏經櫃上空餘少遊馬往來嵩華與函
秦放歌一曲前山春西林獨鶴引閒步南澗
飛泉清角巾前年上書不得意歸卧東窓兀
然醉諸兄相繼掌青史第五之名齊驃騎烹
葵摘果告我行落日夏雲縱復橫聞道謝安



鳥連綠芳暗楚水白鳥飛吳煙贈贖亦奚貴
流亂期復旋金閨會通籍生事豈徒然


李頎集卷上

李頎集卷中

七言古詩

送劉十

三十不官亦不娶時人馬識道高下房中唯
有老氏經櫃上空餘少遊馬往來嵩華與函
秦放歌一曲前山春西林獨鶴引閒步南澗
飛泉清角巾前年上書不得意歸卧東窓兀
然醉諸兄相繼掌青史第五之名齊驃騎烹
葵摘果告我行落日夏雲縱復橫聞道謝安



掩口笑知君不免為蒼生

王母歌

武皇齋戒承華殿
端拱須臾王母見
霓旌照耀麒麟車
羽蓋淋漓孔雀扇
手指玄梨遺帝食
可以長生臨寓縣
頭上復戴九星冠
總領玉童坐南面
欲聞要言今告汝
帝乃焚香請此語
若能鍊魄去三尸
後當見我天皇所顧
請侍女董雙成酒闌可奏雲和笙
紅霞白日儼不動
七龍五鳳紛相迎
惜哉志驕神不悅

歎息馬蹄與車轍
復道歌鍾杳將暮
深宮桃李花成雪
為看青玉五枝燈
蟠螭吐火光已絕

古從軍行

白日登山望烽火
黃昏飲馬傍交河
行人刁斗風沙暗
公主琵琶幽怨多
野雲萬里無城郭
雨雪紛紛連大漠
胡雁哀鳴夜夜飛
胡兒眼淚雙雙落
聞道玉門猶被遮
應將性命逐輕車
年年戰骨埋荒外
空見蒲桃入漢家



雜興


沈沈牛渚磯，舊說多靈恠。行人夜秉生犀燭，
洞照洪深闢滂湃。乘車駕馬往復旋，赤紱朱
冠何偉然。波驚海若潛幽石，龍抱胡髯卧黑
泉。水濱丈人曾有語，物或惡之當害汝。武昌
妖夢果爲災，百代英威埋鬼府。青青蘭艾本
殊香，察見泉魚固不祥。濟水自清河，自濁周
公大聖接輿狂。千年魑魅逢華表，九日茱萸
作佩囊。善惡死生齊一貫，祗應斗酒任蒼蒼。

送劉昱

八月寒葦花，秋江浪頭白。北風吹五兩，誰是
潯陽客。鸕鷀山頭微雨晴，揚州郭裏暮潮生。
行人夜宿金陵渚，試聽沙邊有鴈聲。

送郝判官

楚城木葉落，夏口青山轉。鴻鴈向南時，君乘
使者傳。楓林帶水驛，夜火明山縣。千里送行
人，蔡州如眼見。江連清漢東，逶迤遙望荆雲
相蔽虧。應問襄陽舊風俗，爲予騎馬習家池。



送王道士還山

嵩陽道士餐栢實居處三花對石室心窮伏
火陽精丹口誦淮王萬畢術自言神訣不可
求我師聞之玄圃游出入形庭佩金印承恩
赫赫如王侯雙峯樹下曾受業應傳肘後長
生法吾聞仙地多後身安知不是次人玉
膏清冷瀑泉水白雲溪中日方此從今不見
數十年鬢髮顏容只如是先生捨我欲何歸
竹杖黃裳登翠微當有巖前白蝙蝠迎君日

暮雙來飛

別梁錙

梁生倜儻心不羈途窮氣蓋長安兒回頭轉
眄似鷗鷺有志飛鳴人豈知雖云四十無祿
位曾與大軍掌書記抗辭請刃誅部曲作色
論兵犯二帥一言不合龍額侯擊劒排衣從
此棄朝朝飲酒黃公壚脫帽露頂爭叫呼庭
中犢鼻昔嘗掛懷裏琅玕今在無時人見子
多落魄共笑狂歌非遠圖忽然遣躍紫驕馬




還是昂藏一丈夫洛陽城頭曉霜白層冰峨
峨滿川澤但聞行路吟新詩不嘆舉家無擔
石莫言貧賤長可欺覆篲成山當有時莫言
富貴長可託木槿朝看暮還落不見古時塞
上翁倚伏由來任天作去去滄波勿復陳五
湖三江愁殺人

放歌行荅從弟墨卿

小來好文耻學武世上功名不解取雖沾寸
祿已後時徒欲出身事明主栢梁賦詩不及

宴長楸走馬誰相數歛迹俛眉心甘高歌
擊節聲半苦由是蹉跎一老夫養雞牧豕城
東隅空歌漢代蕭相國肯事霍家馮子都徒
爾當年聲籍濫作詞林兩京客故人斗酒
安陵橋黃鳥春風洛陽陌吾家令弟才不羈
五言破的人共推興來逸氣如濤湧千里長
江歸海時別離短景何蕭索佳句相思能間
作舉頭遙望魯陽山木葉紛紛向人落

送從弟游江淮兼謁鄱陽劉太守



都門柳色朝朝新，念爾今爲江上人。穆陵關
帶清風，遠彭蠡湖，連芳草。春泊舟，借問西林
寺，曉聽猿聲在山翠。潯陽北望鴻鴈回，盆水
東流客心醉。須知聖代舉賢良，不使遺才滯
一方。應見鄱陽虎符守，思歸共指白雲鄉。

送劉方平

綺紈遊上國，多作少年行。二十二詞賦，惟君
著美名。童顏且白，皙佩德如瑤。瓊荀氏風流，
盛胡家公子清。有才不偶誰之過，肯即藏鋒

事高卧洛陽，草色猶自春。遊子東歸喜，拜親
漳水橋頭。值鳴鴈朝歌縣，北少行人別離。斗
酒心相許，落日青郊半微雨。請君騎馬望西
陵，爲我殷勤弔魏武。

雙筍歌送李回兼呈劉四

並抽新筍色漸綠，迥出空林雙碧玉。春風解
籜雨潤根一枝，半葉清露痕爲君。當面拂雲
日，狐生四遠何足論。再三抱此悵爲別，嵩洛
故人與之說。




送劉四赴夏縣

九霄特立紅鸞姿萬仞孤生玉樹枝劉侯致
身能若此天骨自然多歎美聲名播揚二十
年足下長途幾千里舉世皆親丞相閣我心
獨愛伊川水脫略勢利猶埃塵嘯嗷時人而
已矣新詩數歲即文雒上書昔召蓬萊宮明
主拜官麒麟閣光車駿馬看玉童高人往來
廬山遠隱士往來張長公扶南甘蔗甜如蜜
雜以荔枝龍州橘赤縣繁詞滿劇曹白雲孤

峯暉永日朝持手板望飛鳥暮誦楞伽對空
室一朝出宰汾河間明府下車人吏間端坐
訟庭更無事開門咫尺巫咸山男耕女織蒙
惠化麥熟雉鳴長秋稼明年九府議功時五
辟三徵當在茲聞道桐鄉有遺老邑中還欲
置生祠

欲之新鄉荅崔顥慕母潛

數年作吏家屢空雖道黑頭成老翁男兒在
世無產業行子出門如轉蓬吾屬文歡此何



夕南 擣衣動歸客銅鑪將爇相歡飲星宿
縱橫露華白寒風卷葉度滹沱飛雪布地悲
峨峨孤城日落見棲鳥馬上時聞漁者歌明
朝東路把君手臘日辭君期歲首自知寂寞
無去思敢望縣人致牛酒

愛敬寺古藤歌


古藤池水盤樹根左攬右拏龍虎蹲橫空直
上相陵突丰茸離纏若無骨風雷霹靂連黑
枝人言其下藏妖魘空庭落葉乍開合十月

苦寒常倒垂憶昨花飛滿空殿密葉吹香飯
僧遍南階雙桐一百尺相與年年老霜霰

同張員外譚酬荅之作

洛中高士日沉冥手自灌園方帶經王湛狀
頭見周易張康傳裏好丹青鶻冠葛屨無名
位博奕賦詩聊遣意清言只到衛家兒用筆
能誇鍾太尉東籬二月種蘭蓀窮巷人稀鳥
雀喧聞道郎官問生事肯令鬢髮老柴門

夏宴張兵曹東堂



TIFFEN Color Control Patches

© The Tiffen Company, 2007

重林華屋堪避暑况乃烹鮮會佳客主人三
十朝大夫滿座森然見矛戟北窓卧簾連心
花竹裏蟬鳴西日斜羽扇搖風却珠汗玉盆
貯水割甘瓜雲峰峨峨自冰雪坐對方樽不
知熱醉來但掛葛中眠莫道明朝有離別

荅高三十五留別便呈干十一

累薦賢良皆不就家近陳留訪耆舊韓康雖
復在人間王霸終思隱巖竇清冷池水灌園
蔬萬物滄江心淡如妻子歡同五株柳雲山

老對一牀書昨日公車見三事明君賜衣遣
爲吏懷章不使郡邸驚待詔初從闕庭至散
誕由來自不羈低頭授職爾何爲故園壁掛
烏紗帽官舍塵生白接籬寄書寂寂於陵子
蓬蒿没身胡不仕藜藿被褐環堵中歲晚將
貽故人恥

崔五六圖屏風各賦一物得烏孫佩

刀

烏孫腰間佩兩刀刀可吹毛錦爲帶握中枕



宿穹廬室馬上割飛翳蟪寒執之颯飈誰能
前氣凜清風沙漠邊磨用陰山一片玉洗將
胡地獨流泉主人屏風寫奇狀鐵鞘金環儼
相向回頭瞪目時一看使予心在江湖上
魏倉曹東堂檉樹
愛君雙檉一樹竒千葉齊生萬葉垂長頭拂
石帶煙雨獨立空山人莫知攢青蓄翠陰滿
屋紫穗紅英曾斷目洛陽墨客遊雲間若到
麻源第三谷

古行路難

漢家名臣揚德祖四代五公享茅土父子兄
弟縮銀黃躍馬鳴珂朝逮章火浣單衣繡方
領茱萸錦帶玉盤囊賓客填街復滿座片言
出口生輝光世人逐勢爭奔走瀝膽隳肝惟
恐後當時一顧登青雲自謂生死長隨君一
朝謝病還鄉里窮巷蒼苔絕知已秋風落葉
閉重門昨日論交竟誰是薄俗嗟嗟難重陳
深山麋鹿可為隣魯連所以蹈東海古往今



來稱達人

少室雪晴送王寧

少室衆峰幾峰別一峯晴見一峯雪隔城半
山連青松素色峨峨千萬重過景斜臨不可
道白雲欲盡難爲容行人與我翫幽境北風
切切吹衣冷惜別浮橋駐馬時舉頭試望南
山嶺

照公院雙橙

種橙夾階生得地細葉隔簾見雙翠抽條白

長未及有泉水遠根日三四青青何必楚人
家帶雨凝煙新著花永願香爐灑甘露夕陽
時映東枝斜南庭黃竹爾不敵借問何時堪
掛錫

古意

男兒事長征少小幽燕客賭勝馬蹄下由來
輕七尺殺人莫敢前鬚如蝟毛磔黃雲隴底
白雪飛未得報恩不能歸遼東小婦年十五
慣彈琵琶解歌舞今爲羌笛出塞聲使我三



軍淚如雨

送康洽入京進樂府歌

識子十年何不過只愛歡遊兩京路朝吟左
氏嬌女篇夜誦相如美人賦長安春物舊相
宜小苑蒲萄花滿枝柳色偏濃九華殿鶯聲
醉殺五陵兒曳裾此夜從何所中貴由來盡
相許白袂春衫仙吏贈烏皮隱几臺郎與新
詩樂府唱堪愁御妓應傳鴝鵒樓西上雖因
長公主終須一見曲陽侯

送陳章甫

四月南風大麥黃棗花未落桐陰長青山朝
別暮還見嘶馬出門思舊鄉陳侯立身何坦
蕩虬鬚虎眉仍大顙腸中貯書一萬卷不肯
低頭在草莽東門酤酒飲我曹心輕萬事如
鴻毛醉卧不知白日暮有時空望孤雲高長
河浪頭連天黑津吏停舟渡不得鄭國遊人
未及家洛陽行子空歎息聞道故林相識多
罷官昨日今如何



聽董大彈胡笳聲兼寄語弄房給事
蔡女昔造胡笳聲一彈一十有八拍胡人落
淚沾邊草漢使斷腸對歸客古戍蒼蒼烽火
寒大荒陰沉飛雪白先拂商絃後角羽四郊
秋葉驚撼撼董夫子通神明深松竊聽來妖
精言遲更速皆應手將往復旋如有情空山
百鳥散還合萬里浮雲陰且明嘶酸雛鴈失
群夜斷絕胡兒戀母聲川為淨其波鳥亦罷
其鳴烏珠部落家鄉遠邏娑沙塵哀怨生幽

音變調忽飄灑長風吹林雨墮瓦迸泉颯颯
飛木末野鹿呦呦走堂下長安城連東掖垣
鳳凰池對青瑣門高才脫略名與利日夕望
君抱琴至

緩歌行

小來託身攀貴遊傾財破產無所憂暮擬經
過石渠署朝將出入銅龍樓結交杜陵輕薄
子謂言可生復可死一沉一浮會有時棄我
翻然如脫屣男兒立身須自強十年閉戶頽



水陽業就功成見明主擊鍾鼎食坐華堂二
八蛾眉梳墮馬美酒清歌曲房下文昌宮中
賜錦衣長安陌上退朝歸五陵賓從莫敢視
三省官僚揖者稀早知今日讀書是悔作從
來狂俠非


鮫人歌

鮫人潛織水底居側身上下隨游魚輕綉文
綵不可識夜夜澄波連月色有時寄宿來城
市海島青真無極已泣珠報恩君莫辭今年

相見明年期始知萬族無不有百尺深泉架
戶牖鳥沒空山誰復望一望雲濤堪白首

彈碁歌

崔侯善彈碁功妙盡於此藍田美石清如砥
白黑相分十二子聯翩百中皆造微魏文手
巾不足比綠邊度隴未可嘉鳥跂星懸正復
斜迴颺轉指速飛電拂四取五旋風花坐中
齊聲稱絕藝仙人六博何能繼一別常山道
路遙爲余更作三五勢



李頎集卷中

李頎集卷下

五言律詩

晚歸東園

荆扉帶郊郭，稼穡滿東菑。
倚杖寒山暮，鳴梭秋葉時。
回雲覆陰谷，返景照霜梨。
澹泊真吾事，清風別自茲。

送相里造入京

子月過秦正，寒雲覆洛城。
嗟君未得志，猶作苦辛行。
暖酒嫌衣薄，瞻風候雨晴。
春官含笑



李頎集卷中

李頎集卷下

五言律詩

晚歸東園

荆扉帶郊郭，稼穡滿東菑。
倚杖寒山暮，鳴梭秋葉時。
回雲覆陰谷，返景照霜梨。
澹泊真吾事，清風別自茲。

送相里造入京

子月過秦正，寒雲覆洛城。
嗟君未得志，猶作苦辛行。
暖酒嫌衣薄，瞻風候雨晴。
春官含笑



待驅馬速前程

送錢子入京

夜夢還京北鄉心恨擣夜朝逢入秦使走馬
喚君歸驛路清霜下關門黃葉稀還家應信
宿看子速如飛

寄鏡湖朱處士

澄霽晚流闊微風吹綠蘋鱗鱗遠峰見淡淡
平湖春芳草日堪把白雲心所親何時可爲
樂夢裏東山人

送茶母三寺中賦得紗燈

禪室吐香燼輕紗籠翠煙長繩掛青竹百尺
垂紅蓮熠燿衆星下玲瓏雙塔前含光待明
發此別豈徒然

送人尉閩中

可嘆芳菲日分爲萬里情閩門折垂柳御苑
聽殘鶯海戍通閩邑江航過楚城客心君莫
問春草是王程

宴陳十六樓樓枕金谷



西樓對金谷。此地古人心。白日落庭內。黃花生澗陰。四鄰見踈木。萬井度寒砧。石上題詩處。千年留至今。

覺公院施烏石臺

石臺置香飯。齋後施諸禽。童子亦知善。衆生無懼心。苔痕蒼曉露。盤勢出香林。錫杖或圍繞。吾師一念深。

送人歸沔南

梅花今正發。失路復何如。舊國雲山在。新年


風景餘。春饒漢陽夢。日寄武陵書。可即明時老。臨川莫羨魚。

望秦川

秦川朝望迥。日出正東峰。遠近山河淨。遙遙城闕重。秋聲萬戶竹。寒色五陵松。客有歸歎。歎悽其霜露濃。

送盧逸人

洛陽為此別。攜手更何時。不復人間見。祇應海上期。清溪入雲木。白首卧茅茨。共惜盧敖



去天邊望所思

達奚吏部夫人寇氏挽歌

存歿令名傳青青松栢田事姑稱孝婦生子
繼先賢露濕銘旌重風吹鹵簿前陰堂從此
閉誰誦女詩篇

送顧朝陽還吳

寂寞俱不偶裹糧空入秦宦塗已可識歸卧
包山春舊國指飛鳥滄波愁旅人開尊洛水
上怨別柳花新


塞下曲

少年學騎射勇冠并州兒直愛出身早邊功
沙漠垂戎鞭腰下插羌笛雪中吹替力今應
盡將軍猶未知

送竇參軍

城南送歸客舉酒對林巒暄鳥迎風轉春衣
度雨寒桃花開翠幕柳色拂金鞍公子何時
至無令芳草闌

五言排律



聖善閣送裴迪入京

雪華滿高閣苔色上鉤欄藥草空塔靜梧桐
返照寒清吟可愈疾攜手暫同歡墜葉和金
磬飢鳥鳴露盤伊流惜東別灞水向西看舊
許含香署雲霄何足難

贈別張兵曹

漢家蕭相國功蓋五諸侯勲業山河重丹青
錫命優君為禁鬻壻爭看玉人遊荀令焚香
日潘郎振藻秋新成鸚鵡賦能衣鸚鵡裘不

憚軒車遠仍尋薛荔幽苑梨飛絳葉伊水淨
寒流雪滿故關道雲遮祥鳳樓一身輕寸祿
萬物任虛舟別後如相問滄波雙白鷗

奉送漪叔遊潁川兼謁淮陽太守

罷吏今何適辭家方獨行嵩陽入歸夢潁水
半前程聞道淮陽守東南計理清郡齋觀政
日人馬望鄉情疊嶺雪初霽寒砧霜後鳴臨
川嗟拜手寂寞事躬耕

送皇甫曾遊襄陽山水兼謁韋太守



峴山枕襄陽滔滔江漢長山深叶龍宅水淨
斬蛟鄉元凱春秋傳昭明文選堂風流滿今
古煙島思微茫白鴈暮衝雪青林寒帶霜蘆
花獨戍晚柑實萬家香舊國欲茲別輕舟眇
未央百花亭漫漫一柱館蒼蒼按俗荆南牧
持衡吏部郎逢君立五馬應醉習家塘

題少府監李丞山池

能向府亭內置茲山與林他人驕驕馬而我
薜蘿心雨止禁門肅鶯啼官柳深長廊闕軍

罷積水背城陰窓外玉孫草牀頭中散琴清
風多仰慕吾亦爾知音

二妃廟送裴侍御使桂揚

沅上秋草晚蒼蒼堯女祠無人見精魄萬古
寒猿悲桂水身歿後椒漿神降時回雲迎赤
豹驟雨颯文狸受命出炎海焚香徵楚詞乘
輿感遺跡一弔清川渚

龍門送裴侍御監五嶺選

萬里番禺地官人繼帝憂君為柱下史將命



出東周歛馬傍川路張燈臨石樓稜稜靜踈
木淅淅響寒流椰葉四荒外梅花五嶺頭明
珠尉佗國翠羽夜郎洲夷俗富珍產土風資
宦游心清物不雜弊革事無留舉善必稱最
持姦當去尤何辭桂江遠今日用賢秋

長壽寺粲公院新甃井

僧房來往久露井每同觀白石抱新甃蒼苔
依舊欄空竅宛轉下長綆轆轤盤境界因心
淨泉源見底寒鍾鳴時灌頂對此日間安

送喬琳

草綠小平津花開伊水濱令今不得意孤負
帝鄉春口不言金帛心常任屈伸阮公能飲
酒陶令肯羞貧陽羨風流地滄江游寓人菱
歌五湖遠桂謝八公隣青鳥迴孤棹白雲隨
一身朝從秣陵上月映石頭新未可逃名利
應須在縉紳汀洲芳杜色勸爾暫垂綸

送盧少府赴延陵

問君從官所向何日府中趨遙指金陵縣青山



天一隅行人懷寸祿小吏獻新圖北固波濤
險南天風俗殊春江連橘袖晚景媚蒲菰漠
漠花生渚亭亭雲過湖灘沙映村火水霧歛
檣鳥回首東門路鄉書不可無

魏倉曹宅各賦一物得當軒石竹


羅生殊衆色獨爲華表滋雖雜蕙蘭慶無爭
桃李時同人趨府暇落日後庭期密葉散紅
點菱條驚紫蕤芳菲看不厭採摘願來茲

送暨道士還玉清觀

仙官有名籍度世吳江潰大道本無我青春
長與君中州俄已到至理得而聞明主降黃
屋時人看白雲空山何窈窕三秀日氛氳遂
此留書客超遙煙駕分

送東陽王太守

江皋杜衡綠芳草日遲遲檜楫今何去星郎
出守時彤檐問風俗明主寄惇發令下不徒
爾人和當在茲昔年經此地微月有佳期洞
口桂花白巖前春草滋素沙靜津瀨青壁帶



川坻野鶴每孤立林廳常晝悲

送劉主簿歸金壇

與子十年舊其如離別何宦遊鄰故國歸夢
是滄波京口青山遠金陵芳草多雲帆曉容
喬江日晝清和縣郭舟人飲津亭漁者歌茅
山有仙洞羨爾再經過

宿香山寺石樓

夜宿翠微半高樓聞暗泉漁舟帶遠火山磬
發孤煙衣拂雲松外門清河漢邊峯巖低枕


席世界接人天靄靄花出霧輝輝星映川東
林曙鶯滿惆悵欲言還

七言律詩

送魏萬之京

朝聞游子唱離歌昨夜微霜初渡河鴻鴈不
堪愁裏聽雲山況是客中過關城曙色催寒
近御苑砧聲向晚多莫見長安行樂處空令
歲月易蹉跎

宿瑩公禪房聞梵



花宮仙梵遠微微月隱高城鍾漏稀夜動霜
林驚落葉曉聞天籟發清機蕭條已入寒空
靜馳杳仍隨秋雨飛始覺浮生無住着頓令
心地欲歸依

送李回

知君官屬大司農詔幸驪山職事樞歲發金
錢供御府晝看仙液注離宮千巖曙雪旌門
上十月寒花輦路中不覩聲明與文物自傷
留滯去關東

寄綦母三

新加大邑綬仍黃遊與單車去洛陽顧眄一
過丞相府風流三接令公鄉南川粳稻花侵
縣西嶺雲霞色滿堂共道進賢蒙上賞看君
幾歲作臺郎

寄司勳盧員外

流漸臘月下河陽草色新年發建章秦地立
春傳太史漢宮題柱憶仙郎歸鴻欲度千門
雪侍女新添五夜香早晚薦雄文似者故人



今已賦長揚

題璿公山池

遠公遁跡廬山岑
開山幽居祗樹林
片石孤峰窺色相
清池白月照禪心
指揮如意天花落
坐卧閒房春草深
此外俗塵都不染
惟餘玄度得相尋

題盧五舊居

物在人亡無見期
閒庭繫馬不勝悲
窓前綠竹生空地
門外青山如舊時
悵望秋天鳴墜

葉嶺岵枯柳宿寒鷗
憶君淚落東流水
歲歲花開知為誰

五言絕句


奉送五叔入京兼寄綦母三

陰雲帶殘日
悵別此何時
欲望黃山道
無由見所思

七言絕句

送韓鵬

為政心閒物自閑
朝看飛鳥暮飛還
寄書河



上神明宰羨爾城頭姑射山

送崔嬰赴漢陽

中外相連弟與兄
新加小縣子男名纔年三十
佩銅印知爾弦歌漢水清

遇劉五

洛陽一別梨花新
黃鳥飛飛逢故人
攜手當年共爲樂
無驚蕙草惜殘春

野老曝背

百歲老翁不種田
惟知曝背樂殘年
有時攔

虱獨搔首日送歸鴻籬下眠

失題

紫極殿前朝伏奏
龍花會裏日相望
別離歲歲如流水
誰辯他鄉與故鄉

送五叔

吏部明年拜官後
西城必與故人期
寄書春草年年色
莫道相逢玉女祠

李頎集卷下終





國立中央圖書館 國家中央圖書館, 台灣, 中華民國

